

Ro Ta Yudas Ibeede

¹Nio Yudas,^a mbesoonjo ki Yesu Krisi mi Yems tiziini.

Anbeede ro ti ima piom wal tau Tamanda Anutu iur leleene piom mi iboobo yom ma kewe lene kek, mi Yesu Krisi imborro yom na.^b

²Munajana, mi kamperjana, mi mbotjana ambajana ta Anutu ikamam piti i, ko izze tiom ma biibi. Onoono.

Yudas isope zin pizin wal pakamkaamjan

³O niom wal tio, mungu nio leleŋ aŋso anbeede sua piom pa ulaaŋa ki Anutu ta itijan zanda pa be takam. Tamen buri na, aŋre kembei nio bela anbeede sua toro piom, mi anpombol yom be koporou mboljana pa sua ta iti tuurla na. Pa iti ta tewe Anutu wal kini potomjan na, ni iur sua tana imar namanda pataaŋa kek be tomboro mi matanda pa.^c

⁴Pa wal pakan ta titoto Anutu zaala kini som na, tima mi tigabgaaba yom sorok, bekena tiyaaru yom ma koto zin pa ngar kizin. Mi niom kikilaala zin som. Yesu Krisi, ni itutamen ta Biibi kiti mi Merere kiti. Tamen wal pakamkaamjan tana tipizil ndemen pini kek. Mi tipingisngis sua ki Anutu ma tizzo ta kembei: Sombe takam sanaana, ina koroŋ sorok. Pa Anutu ko imunai iti. Sua kizin tana iwe uunu pizin be tisu mi tikam mbulu bozboozo. Wal tana, tibeede kan sua ta mungu kek ta kembei: Anutu kola iur kadoono pizin ma tila len.^d

Mbulu pakan ta mungu ipet, ta iswe kembei Anutu iurur kadoono pizin wal sananjan

⁵Mungu, Merere ikamke zin Israel ma tizem Aikuptu, mana kaimer isu mi ipasaana wal kizin pakan ta tiurla kini som, mi tizoori na. Sua tingi popojana piom som. Niom kuute lup kek. Mi ingi aŋso anpei ngar tiom pa mini.^e ⁶Mi kakam ngar pizin aŋela ta mungu tizooro ma titop na. Zin lelen be tiur nin mi tikam uraata biibi ta zan pa na som. Tanata tizem

^a 1:1 Yudas ta ibeede ro ti, ni Yudas Iskariot som. Ni Yudas toro ta Yesu tiziini na.

^b 1:1 Mt 13:55; Yo 17:11+; 1Pe 1:5 ^c 1:3 Pil 1:27; 1Tim 6:12; 2Tim 1:13 ^d 1:4 Tit 1:16; 2Pe 2:1 ^e 1:5 Kam 12:50; Nam 14:29+; Mbo 106:19+; 1Kor 10:5; Ibr 3:17+

zitun murin mi tila len. Uunu tina ta Anutu izeebe zin lela zugut leleene, mi ipo zin pa re tabe imbot ma alok i, be timbotmbot mi tinamnaama nol biibi tabe tikam kat kadoono kizin i.^f ⁷Mi Sodom ma Gomora raama kar pakan ta tigarau zin na, ta kembena. Zin tizem kat zitun pa mbulu sananjanana ki kulindi, ta irao pa iti tomtom ngar kiti som. Tana mbulu ta ipet pizin, ina iwe kin pa mbulu tabe ipet pizin wal sananjan i. Pa wal ta kembei ko tila len pa you sananjanana tabe imbotmbot ma alok i. Irao imap na som.^g

Mbulu kizin wal pakamkaamjan

⁸Zin wal ta tiso tipakaam yom na, titoto mbulu tamen tau. Zin tingeeze pa Anutu mataana som kat. Pa miunjanana kizin soroksorok, ta ipombolmbol zin ma tikamam mbulu sananjanana ki kulindi kembei ta me ma nge. Mi tirepilpiili Anutu mi zin peeze kan kini, mi tiwirri sua sananjanana pizin ajela ta zangan mi mburanjan na.^h ⁹Mi kere. Mikael, ni ajela mataana kana. Tamen indeenje ziru Sadan tiparzooro pa Mose putuunu na, ni ipiri sua sananjanana sa pa Sadan som, mi iyaambi som. Iso men ta kembei: “Ambai. Ingi koronj tio som. Merere itunu ko iyaambu.”^{i j}

¹⁰Tamen wal tana na, tiwirri sua repiilijana pa koronj ta zitun tikankaana pa. Zin len ngar ambaijana sa som. Ingar ta titoto, ina kembei ta zin mbili. Tanata tikamam mbulu tabe ipasaana zin ma tila len.^k

¹¹Wal tana, tembel zin kek. Pa zaala ki sua nonono na, tizem kek. Mi ingi zaala ki Kain ta titoto i. Zin lelen ilip pa pat, mi tiyaryaaru Anutu wal kini pa mbulu bozboozo kembei ta mungu Biliam ikam na. Mi tizorzooro zin peeze kan ki Anutu kembei ta mungu Kora ikam na. Tana Anutu kola ipasaana zin ma tila len kembei ta Kora na.^l

¹²Wal pakamkaamjan tana, mbulu kizin sa ingeeze pa Anutu mataana som kat. Tamen niom sombe kulup yom pa kini kanjanana mi sunjanana, na zin lelen be tigaaba yom. Timoto som, kan mianj pa mbulu kizin som. Mi so timar, na tikanan ma tiwinin, mi len nger pa wal pakan som. Tabe tipasansaana lupjanana tiom. Zin mboronjan ambaijan som. Pa tipututu zin sipsip som, mi matan ingalngal zitun men. Mi zin kembei miiri tieene ta tere ma toso ko yaj isu. Mi som. Miiri iwilaala ma ila ne. Zin kembei ke ta iurur nonono som mi imeete kek, tabe tomtom titaara, mi tipiri sala you ma ikan ma ila lene. Mungu zin kembei wal meetenjan, mi ingi timeete mini ma iwe ru pa.^m ¹³Zin kembei duubu ta ipol sala peende mi ikel musmuuzu ma ise. Pa tipeyei mbulu sananjanana tabe iti

^f 1:6 2Pe 2:4,9; Tur 20:10 ^g 1:7 Un 19:1+; 2Pe 2:6,10 ^h 1:8 2Pe 2:10 ⁱ 1:9 Sua ti imbot la Sua Matamur som. Imar pa buk mungunana toro kizin Yuda. ^j 1:9 Lo 34:6; Sek 3:2; 2Pe 2:11+ ^k 1:10 2Pe 2:12 ^l 1:11 Un 4:3+; Nam 16:1+, 22:1+; 2Pe 2:15; 1Yo 3:12 ^m 1:12 Mt 15:13; 1Kor 11:20+; Ep 4:14; 2Pe 2:13,17

takam, so kanda mianj biibi pa. Mi zin kembei pitik ta tito zalan som, mi tipagobjoobo. Anutu iurpe len murin ndabokjana kek be timbotmbot pa ma alok. Lele tana na, zugut mandij muriini.

¹⁴Iti tuute. Adam popojana kini tiparpekel pa lamata mi ta, to Enok ipet. Mi Enok tina, ni iwe Anutu kwoono mi iso sua pa mbulu tabe ipet pa wal pakamkaamjan tana.ⁿ Sua ta kembei:

Kere. Merere kola imar raama zin ajela kini potomjan ta munjaana ma munjaana men, ¹⁵be itiiri tomtom ta boozomen pa mbulu kizin. Mi zin wal ta tizorzooro Anutu na, ni kola iur kadoono pizin pa zoorojana kizin ta boozomen, mi sua sananjan boozomen ta tiwirri pini na.^o

¹⁶Wal pakamkaamjan tana, gorgori lenen ambai pa mboti kizin som. Tanata tiyyo kwon pizin tomtom, mi tikamam sua boozo. Mi titoto zitun lenen sananjan, mi tipakurkur zitun, mi kwon mbesmbeeze pizin tomtom, beken a tikam lenen mi tiwatke len koroj kizin.^p

Sua tutjana pakan

¹⁷O niom wal tio, motoyom ingal sua ta mungu zin ngojana ki Merere kiti Yesu Krisi tiso pa mbulu tabe ipet pa kaimer i.^q ¹⁸Pa tiso ta kembei: “Mazwaana kaimer kana isombe ipet, to tomtom kola tizem zaala ki Anutu, mi titoto zitun lenen sananjan, mi tikamam sua repiilijana pa Anutu.”^r ¹⁹Mi ina zin wal tau Bubujana imbot la lenen som, mi tirekreege lupjana tiom ta ki Krisi i, mi titoto ngar ki toono men.^s

²⁰Mi niom wal tio, kemender se urlajana potomjana kat ta Anutu ikam piom na, mi kaparpombolmbol yom. Naso urlajana tiom izze ma imbol. Mi niomombe kusuj, na bela Bubujana Potomjana ikam peeze piom pa sunjana tiom.^t ²¹Mi mbulu ki Anutu ta iurur leleene piti na, bela ikamam peeze piom, mi kazza Merere kiti Yesu Krisi be imujai yom, mi ikam yom ma kombot motoyom yaryaara ma alok.^u

²²Zin wal ta so urlajana kizin imbol som mi lenen iwe ru na, kumujai zin. ²³Mi wal tiom pakan na, timbot la sanaana leleene kek. Zin kembei ke ta imbot sala you, mi you ikanan. Tana loja mi katatke zin pa mbulu tana. Mi wal pakan na, ngar sananjan ki kulin ipasaana kat zin, kembei mburu ta mbasirsir ise ma kuziini ma isaana kat. Wal ta kembei na, kumujai zin raama motojana. Kokena tikeske yom. Mi mbulu kizin sananjan tana na, kuur koi pa.^v

ⁿ 1:14 Sua ti imbot la Sua Matamur som. Imar pa buk mungujana toro kizin Yuda.

^o 1:15 Un 5:21+; Mbo 31:18, 94:4+; Mt 25:31+; 2Tes 1:7,10; Tur 1:7 ^p 1:16 Mbo 73:8+; 2Pe 2:18 ^q 1:17 2Pe 3:2 ^r 1:18 Ijo 20:29; 1Tim 4:1; 2Tim 3:1; 2Pe 2:1, 3:3 ^s 1:19 1Kor 2:14+

^t 1:20 Kol 2:7; 1Tes 5:11 ^u 1:21 1Kor 1:7; Tit 2:13 ^v 1:23 1Kor 3:15; Yems 5:19+

Sua pombolŋana

²⁴⁻²⁵ Anutu tau ulaaŋa kiti i, ni itutamen ta Anutu ŋonoono mi king biibi, mi ilip pa koron ta boozomen. Ni irao be imboro yom ma kotop som, mi ikam yom ma kala kombot lela azunŋa kini leleene isu kereene uunu raama leleyom ndabok kat. Pa ni ko ikam ma leyom uunu sa isaana som. Ni zaana mi mburaana biibi. Mi ni imborro koron ta boozomen. Munŋu kat, indeeŋe kosa sa ipet zen na, ni imbotmbot ta kembei. Mi koozi tomini, ni imbotmbot ta kembei. Mi ko imbotmbot ta kembei ma alok. Tana iti tapakuri pa Merere kiti Yesu Kisi zaana. Ŋonoono.”

^w 1:24-25 Mbo 37:24; Ro 16:25+; 1Kor 1:8; Ep 3:20; 1Pe 5:10+; 2Pe 3:14,18